

TUMBA DEDICA NA REYMONDO HENRIQUEZ

ORANJESTAD(AAN):

Concurso di tumba awenochi ta wordodedica na Reymondo Henriquez, mihor conoci como Rey.

Un musico cu for di su 9 aña di edad a debuta cu Mi Bosino riba conga y semper

tabata un maestro riba e instrumento nan di cuero.

El a toca den conhunto Carlton y di Agosto Reyes, despues cu un conhunto di Santo Domingo cu a bini Aruba, den cual grupo ela reemplaza e tamborero.



E tamborero bira malo y na Aruba nan a haya Reymondo pa cay aden y hasta kier a bolbe Santo Domingo cu e tocador arubano.

El a toca cu Sonora Matancera tambe cu Arsenio Rodriguez, Ecos del Caribe, Los Monaco di Colombia, Nik y su combo di Venezuela, Los Canario, y na Aruba el a toca tambe den Aruba Caribbean Hotel

cu Chapotin y sus Estrellas.

Cu Los Harmonicos el a toca na Aruba, Corsow y Bonaire, y na Rapid Club cu un conhunto di Costa Rica cu a bishita nos isla.

Den añanan 60 el a toca cu Los Impalas di Venezuela, cu Henry Salvatt di Venezuela na Seri Noka y na tur hotelnan y emisoranan y clubnan di nos isla.

E ultimo conhunto pa cual

el a toca tabata The Original Band, y tambe na Venezuela cu La Grande.

Rey a stop di toca pa motibo di quebrante di salud.

E ta conoci tambe como tocador di dande y a participa den cantidad di concurso di tumba y di dande riba nos isla.

E ta activo ainda cu Eloy Koolman y su grupo di Rooi koochi.